

COMUNICATO n. 3466 del 09/12/2024

Traduzione in cimbri

Zungmindarhaitn: vornaügart dar arbat Tisch vor di kamunikatziong

[Cimbri] Pittnan provedimént ägenump vodar provintziäl Djunta vorgelekk von vorsitzar Maurizio Fugatti izta khent vornaügart dar arbat Tisch afte komunikatziong von zungmindarhaitn zornirante di toalnemmar.

Augelekk in månat von hornung 2012 – nå in sell boda hatt gehatt khött di Konferentz von Zungmindarhaitn – dar Tisch mocht nidarleng di plån un baz zo tüana in sektór vodar komunikatziong, zo sichra asó in da gantz provintz azta khemm gètt vèrt dar informatziong in di zungen von zungmindarhaitn übar prodjèkte, iniziatiavan un tème boda khemmen zornirt von soin toalnemmar.

“In di djar, di arbat von Tisch iz khent hërta mearar bichte vor di politike zo schütza di zungmindarhaitn in sektor vodar komunikatziong” asó hatta khött dar vorsitzar Fugatti.

Di toalnemmar von Tisch soin khent vornaügart 'z djar 2020 un dena bidar 'z djar 2022 nå in bèkslom bodada soin gest in Provintz un haltante kunt von ägestèllte bodase o soinse auzgebèkslt.

Est soinda bidar gebèkslt mearare sachandarn un asó hattma bidar gemocht nemmen in di hent in Tisch zoa zo maga arbatn azpe 'z hatt z'soina.

Dise soinz di Toalnemmar von Tisch:

- di Elisabetta Sovilla, diridjènten von Dianst vor di Zungmindarhaitn un auzantn sachandarn boda koordinart in Tisch;
- di Evelyn Bortolotti, boda drauschaugè afte kulturàl un zung dianst von Comun General de Fascia un di Sabrina Rasom, dirèktören von Istitut Cultural Ladin “Majon di Fascegn”, azpe tèknesche vortretar vodar ladinar mindarhait;
- di Claudia Marchesoni, dirèktören von Bersntoler Kulturinstitut, azpe tèknesche vortretar vodar mòknar kamòuschaft;
- dar Willy Nicolussi Paolaz, dirèktor von Kulturinstitut Lusérn, tèknesche vortretar vodar zimbar kamòuschaft;
- di Giovanna Chiocchetti, stèllvortretar von dirèktor von åmt vor di zungmindarhaitn vodar autonome Redjong Trentino-Alto Adige/Südtirol, azpe tèknesche vortretar von Åmt;
- dar Giampaolo Pedrotti, vüarar von prèss Åmt vodar autnome Provintz vo Tria.

Aftn arbat Tisch mangda khemmen gerüaft zo nemma toal vortretar vo gesèllschaftn, öffentleschen emtar, un espèrte vo mearare sektór boda hãm zo tüana pittar komunikatziong un boda mang eppaz gem darzuar in arbatn von Tisch.

Übarsetzt von Schaltarle vor di zung von Toalkamou vodar Zimbar Hoachebene

(cdt)